

中國方志叢書·華中地方·第三八〇號

據 民國·陳步武，江三乘纂鄭國翰，曾瀛藻修
民國十七年鉛印本 影印

四川省

大竹縣志

(三)

成文出版社有限公司發行

大竹縣志卷九

人物志上

名臣

馮緄字鴻卿巴郡宕渠人也少習春秋司馬兵法父煥安帝時爲幽州刺史疾忌姦惡數致其罪時元菟太守姚光亦失人和建光元年怨者迺詐作璽書譴責煥光賜以歐刀又下遼東都尉龐奮使速行刑奮卽斬光收煥煥欲自殺緄疑詔文有異止煥曰大人在州志欲去惡實無他故必是凶人妄詐規肆姦毒願以事白上甘罪未晚煥從其言上書自訟果詐者所爲徵奮抵罪會煥病死獄中帝愍之賜煥光錢各十萬以子爲郎中緄由是知名家富好施賑赴窮急爲州里所歸愛初舉孝廉七遷爲廣漢屬國都尉徵拜御史中丞順帝末以緄持節督揚州諸郡軍事與中郎將滕撫擊破羣賊遷隴西太守

後鮮卑寇邊以組爲遼東太守曉諭降集虜皆弭散徵拜京兆尹轉
司隸校尉所在立威刑遷廷尉太常時長沙蠻寇益陽屯聚積久至
延熹五年衆轉盛而零陵蠻賊復反應之合二萬餘人攻燒城郭殺
傷長吏又武陵蠻夷悉反寇掠江陵間荊州刺史劉度南郡太守李
肅并奔走荆南皆沒於是拜組爲車騎將軍將兵十餘萬討之詔策
組曰蠻夷猾夏久不討攝各焚都城蹈藉官人州郡將吏死職之臣
相逐奔竄曾不反顧可愧言也將軍素有威猛是以擢授六師前代
陳湯馮傳之徒以寡擊衆郅支夜郎樓蘭之戎頭懸都街衛霍北征
功列金石是皆將軍所究覽也今非將軍誰與修復前迹遷赴之宜
權時之策將軍主之出郊之事不復內御已命有司祖於國門詩不
云乎進厥虎臣闢如虓虎敷敦淮墳仍執醜虜將軍其勉之時天下
饑饉帑藏虛盡每出征代常減公卿俸祿假王侯租賦前後所遺將

帥宦官輒陷以折耗軍資往往抵罪緄性烈直不行賄賂懼爲所中
迺上疏曰執得容姦伯夷可疑荀曰無猜盜跖可信故樂羊陳功文
侯示以謗書願請中常侍一人監軍財費尙書朱穆奏緄以財自嫌
失大臣之節有詔勿劾緄軍至長沙賊聞悉詣營道乞降進擊武陵
蠻夷斬首四千餘級受降十萬餘人荊州平定詔書賜錢一億固讓
不受振旅還京師推功於從事中郎應奉薦以爲司隸校尉而上書
乞骸骨朝廷不許監軍使者張敞承宦官旨奏緄將侍婢二人戎服
自隨又輒於江陵刻石紀功請下吏案理尙書令黃雋奏議以爲罪
無正法不合致糾會長沙賊復起攻桂陽武陵緄以軍還盜賊復發
策免頃之拜將作大匠轉河南尹上言舊典中官子弟不得爲牧人
職帝不納復爲廷尉時山陽太守單遷以罪繫獄緄考致其死遷故
車騎將軍單超之弟中官相黨遂共誹章誣緄坐與司隸校尉李膺

大司農劉祐俱輸左校應奉上疏理緼等得免後拜屯騎校尉復爲廷尉卒於官邑人崇祀忠孝祠

王平字子均巴西宕渠人本養外家何氏後復姓王隨杜濩朴胡詣洛陽假校尉從曹公征漢中因降先主拜牙門將裨將軍建興六年屬參軍馬謖先鋒謖舍水上山舉措煩擾平規諫謖不能用大敗於街亭衆盡星散惟平所領千人鳴鼓自持魏將張郃疑其伏兵不往逼也於是平徐徐收合諸營遺兵率將士而還丞相亮既誅馬謖及將軍張休李盛奪將軍黃襲等兵平特見崇顯加拜參軍統五部兼當營事進位討寇將軍封亭侯九年亮圍祁山平別守南圍魏大將軍司馬宣王攻亮張郃攻平平堅守不動郃不能克十二年亮卒於武功軍退還魏延作亂一戰而敗平之功也後遷典軍安漢將軍副車騎將軍吳壹住漢中又領漢中太守十五年遷封安漢侯代壹

督漢中延熙元年大將軍蔣琬住沔陽平更爲前護軍署琬府事六年琬還住涪拜平前監軍鎮北大將軍統漢中七年春魏大將軍曹爽率步騎十餘萬向漢州前鋒已在略谷時漢中守兵不滿三萬諸將大驚或曰今力不足以拒敵惟當固守漢樂二城遇賊今入比爾間涪軍足得救關平曰不然漢中去涪垂千里賊若得關便爲禍也今宜先遣劉護軍杜參軍據興勢平爲後拒若賊分向黃金平率千人下自臨之比爾間涪軍行至此計之上也惟護軍劉敏與平意同卽便施行涪諸軍及大將軍費禕自成都相繼而至魏軍退還如平本策是時鄧芝在東馬忠在南平在北境咸著名迹平生長戎旅手不能書所識不過十字而口授作書皆有意理使人讀史漢諸記傳聽之備知其大意往往論說不失其指遵嚴法度言不戲謔從朝至夕端坐徹日惜無武將之體十一年卒子訓嗣邑人崇祀忠孝祠又

平同郡漢昌句扶忠勇厚敦有戰功功名爵位歷平至左將軍封

宕渠侯

宦業

漢

元賀字文和一作文宏宕渠人永平中爲縣鄉佐宕渠令第五倫顯拔之薦爲九江太守轉沛郡以清潔稱所在多德政行縣猶持乾節但就溫湯而已後遷大司農去日吏民扶車叩馬涕泣隨之益部耆舊傳字文和東觀漢記作字文宏

龐雄字宜孟宕渠人永初三年爲侍御史海賊張伯路等自稱將軍寇濱海九郡雄督州郡兵擊之伯路等乞降冬南單于與烏桓反雄進中郎將隨大司農何熙爲副將羽林五校營士及發沿邊十郡兵二萬餘與遼東太守耿夔共擊匈奴與難日逐王破之四年三月雄

與耿种步騎萬六千人攻虎澤軍于脫帽徒跣面縛稽顙對雄等陳道死罪乃赦之還爲大鴻臚封都亭侯與司空李郃議煙六宗雄議不當祭上從郃議雄有勇略稱爲名將

馮煥官尙書侍郎歷河南京令拜豫州刺史境無盜賊元初八年鮮卑叛逆詔除幽州刺史疾忌姦惡數致其罪建光元年春臧貊反寇元菟攻華麗城煥率元菟太守姚光遼東太守蔡諷等將兵出塞擊之捕斬臧貊渠帥獲其兵馬財產四月怨者詐作璽書賜煥以歐刀煥欲自殺疑詔文有異上書自訟果得詐者所爲會病死獄中帝憫之賜錢十萬

李溫華陽國志士女目錄桂陽太守李溫宕渠人巴志宕渠郡延熙中置先漢以來士女賢貞縣民馮組李溫等皆建功立事有補於世李暹安帝時爲桂陽太守居官廉明有善政興水利除積害令行禁

止吏民悅服稱爲神君

趙芬宕渠人爲巴郡戶曹掾一作郡文學掾永興二年泰山但望爲郡守芬以郡境廣遠盜賊竊發縣屬期會征發千有餘里必旬日始達請就近分郡一治臨江一治安漢望爲上疏朝議不許興平元年征東中郎將安漢趙穎白益州牧劉璋復議分巴穎欲得巴舊名分墊江以上爲巴郡治安漢以墊江以下爲永甯郡治江州胸臆至魚復爲固陵郡治魚復巴遂分矣卒如芬言

宋

彭戢元祐進士爲兩浙提舉奉祠以歸嘗蓄雙鶴江左士大夫送行有扁舟載雙鶴萬卷貯羣書之句可想其人之高潔矣

明

劉尙綸歲貢任順天推官才識明敏時有疑獄久不能決一加推問

卽得其情人稱爲神

李應和宏治進士遷給事中歷任參議廉介自持以德化民到處皆有善政

江萬實正德進士歷任監察御史巡按江西抗疏言事動關國體時討甯庶人及平華林巨寇咸與有功時稱名御史

周鐸天順初知山陰縣外剛內恕好抑強橫而字細弱恤民如子尤加意學校治行蔚然可稱景泰初陞知州英宗朝任郴州知州

徐萬璧嘉靖進士任陝西潼關道自諸生時操履端潔孝友著聞旣登仕籍由縣令改任鳳憲補鎮江甯國郡守內擢戶部員外郎旋補陝西僉憲所至梗頑歸化政績卓卓可傳賦性介直不避權貴其上籌邊議保障賴之有罪囚不應死與御史固爭不得投劾歸養邑舊有協濟萬縣守備東鄉諸役民不堪命力言於當路罷之里民至今

頌其德所著有縣志家乘五鳳雜俎諸書今無存崇祀鄉賢

附江縣丞墓誌予與樸齋少同遊義交莫逆雖宦轍南北通問如面談
及歸林下白眉相與者復數年不幸公棄我茲將墓誌銘其號一也先本
乞誌墓義不辭謹按公諱萬福更諱元末籍于大竹鄉六葉矣
河南固始縣人始祖仕蜀為諱萬福司元末籍于大竹鄉六葉矣
尊諱一五世松庵諱東諱以晨三世志叟諱友十文林郎加庵諱思高皆備
德光耀五世松庵諱東諱以晨三世志叟諱友十文林郎加庵諱思高皆備
戶部員外郎妣卓氏有賢聲初傳訓孺人益長封宜人昆季五公昭長秉性
剛直不悅奢麗幼嗜經書不煩傳訓孺人益長封宜人昆季五公昭長秉性
進士及門之徒甚多如查懋光等皆以甲第居顯要釋褐授浙江三山
縣令一洗舊政頑梗歸化先有土豪王佩毛林者陷害前令一浙江三山
漏網未完公當道籍沒其家倉儲積糴遇荒輒賑民樂更任風憲屢起
災救禱隨滅修理文學政績卓卓可紀撫臣章公欽任風憲屢起
時弊交至公親攝陰擠之不竊既補外鎮江府同知喪禮盜蜂起
羽太宜人年高無意仕進強之密起補任外鎮江府同知喪禮盜蜂起
以浙司員外郎出納錢穀謹密起補任外鎮江府同知喪禮盜蜂起
部太宜人年高無意仕進強之密起補任外鎮江府同知喪禮盜蜂起
真切者雖有權貴託亦蓋不少知陳御史被誣得釋者十有七人尋擢
剛翰獄有直窮到不負君下真知陳御史被誣得釋者十有七人尋擢
嘗曰為臣當不負君下真知陳御史被誣得釋者十有七人尋擢
推詳不附容悅有罪不君下真知陳御史被誣得釋者十有七人尋擢
而歸縉紳贈詩有罪不君下真知陳御史被誣得釋者十有七人尋擢
自重篤親睦隣建家廟中教令積粟以周族邑有龍弊極力既歸養息

東鄉之賦役罷萬縣之夫馬皆出于至公燕居手不釋卷外事藍碧之託平生立朝奏議并各詩文合集之各曰五鳳雜稿初娶處士藍碧之女有淑行封儒人加封宜人年三十五卒繼配蔡氏子三曰梅曰怪曰枝枝庠生梅怪俱習舉業孫一曰起詳梅出公生於戊申年正月十一日卒於嘉靖乙卯年九月十三日享年六旬有九以次歲丙辰年四月初九日寔邑南地名藍家壩與藍宜人合葬焉嗚呼公勲業半天下有臺輔之望惜其直道不容於時史官當載諸直筆不待予誌公而後公爲不朽况予不文何足以稱揚公德哉據實書珉藏之地下既感交契亦重違孝子之志也

王以脩嘉靖中進士歷松江嘉興二郡太守劑徭役決囂訟政聲卓然省志入達縣誤

王以孚嘉靖中舉人由縣令仕至巡撫廣東察院清嚴執法歷著廉能人無敢干以私者

楊純成化進士任監察御史巡按貴州斷獄如流任滿百姓乞留一年上許之謠曰大竹楊但願年年巡貴陽貪污畏法軍民安康陞陝西副使去之日黎民遮道攀留

王嗣文由歲貢歷任山東副使齊藩事多不法文抗直不阿力爲裁抑後皆畏憚無干犯者

清

邱正策明邑庠生順治二年肅王平定金川策以軍功授同知陞山東濟南知府調河南歸德府知府仕宦三十年清操如一到處皆有惠政歸德府志謂正策廉介爽剴無俗吏媵阿態利弊所在毅然任之人咸服其剛果晚致仕以上壽終

王士品字元一友德九世孫性聰穎嚴整目光如電少孤奉母氏教淹貫經史下筆數千言稍長習孫吳兵法猿臂善射旁及象緯醫卜無不通明末流寇四起投筆事戎慨然有澄清之志初謁閣部王公請招集流亡簡練軍實以奇計首滅獻賊王善之而不能用仗劍去以軍功爲榆林總鎮累授左將軍職嘗以八千騎大敗逆賊孫可望

衆十餘萬於洱海後復爲彝陵州衛并永保容梅等處提調漢土官兵總兵官以事去職而國事已大去遂葛巾野服歸隱柳城山下蕭然自放者十餘年康熙初張李二賊餘黨挺險毛龍山久不下軍門李國英聞士品名屢以幣聘俱辭後使來意彌切乃就之爲定計作長圍堅壁先絕賊糧道兩月後突以大軍急攻其前賊悉衆來禦更以精卒五千繞其後攀緣而登縱火焚巢穴賊衆大潰渠魁授首餘者悉降國英以士品運籌功且於川湖形勢最熟擬題請簡授荆襄鄖均參政鎮撫一方爲善後計士品慨然曰亂天下者張李二賊也窮凶極惡喋血萬里僕少時馬上橫槊自負天下健兒壯志屢撓披髮長林今所以出山來者欲仗國家威靈將軍神勇一伸平生殺賊未銷之氣非復以垂老之年更欲攀附功名也國英諒其志別以黃金三千爲贖士品曰爵祿大於此且辭之矣李曰功成不受賞眞丈

夫哉乃置酒高宴爲別徒步歸隱又十餘年三藩造逆竹城復爲僞
弁彭時亨所據蔓延猖獗廣渠營諸縣皆沒有衆數萬士品憫鄉里
復受荼毒令親族子弟守柳城山身以單騎見閫中高總戎請得千
騎自將之由營至渠一戰敗賊復渠城賊遁還竹士品故留渠不進
高聞捷卽自將來會士品說之曰破賊易耳第急之必遁據月城以
亡命之徒守月城之險雖有勝兵必頓於下今我遲遲令彼盤桓不
卽發將軍以輕騎繞道達州先據其地我驟進兵賊可一戰擒也高
從之士品進敗賊復竹城賊果遁月城士品襲其後高踞其前賊陷
深谷三日盡降高以士品復二城平巨寇功大將上之朝辭曰鄉里
事僕所宜辦毛龍之功大於此且辭之矣遂復歸隱後大將軍趙良
棟征滇遣官致書幣來聘士品作書辭之略言滇賊一隅草竊以將
軍神勇加之如摧枯朽但開國之初不患不武更當爲國家培養元

氣願將軍作曹彬也老夫朽憲言亦無補區區之見不敢不陳趙將軍得書歎爲仁人士品性慷慨好施予刼後親戚存者不自活輒分田宅與之有財必盡曰勿爲我累嘗尋柳生遺跡復建日岫亭於山頂與諸文士吟嘯其間草履竹杖栽花蒔竹人見之無知是故將軍者好讀書老猶不衰所著有夢夢草一卷晚專學易前一月預知死期及期朗吟身騎箕尾之詩端坐而逝年六十七生平神勇奇謀功被桑梓迴非泉石人所能辦以飽經世變恬退自甘不欲因功徼倖仕進鄉人至今稱之子以暉以晟以昕俱明經暉晟任學博以曜康熙戊子舉人浙江秀水知縣孫正策乾隆己酉舉人直隸阜城知縣王以曜號樹岑明總鎮士品子也少穎異世亂未嘗廢學負氣節善屬文中康熙戊子舉人棟發浙江時浙督李奏清十年民欠朝廷令揀發人員集太和門各書條奏指陳辦法以曜所陳獨詳明剴切引

見時世宗謂其切中時事簡便中自具詳悉見之施行非空言無補者命將此摺封發該督採擇行之復問家世年紀奏對踰時其受知如此至浙權秀水令秀水民欠多至二十餘年積弊既深追徵無着以曜爲民請命總制李燾得其情題請開除卒蒙諭允當道遴其才卽題授秀水令後移陞復調武義所在厲風操平訟獄恤罪囚救蟲災獎士氣善政纍纍晚年致仕歸里琴鶴蕭然結瞻菴堂於鄰山之陽讀書講道卒年八十餘所著有雪泥鴻爪王氏家譜竹陽紀略諸書時大亂初平故老遺聞散亡略盡邑中文獻賴以裒集後人乃得有聞焉

江國霖字兩農號曉帆童家場鹽井溝人祖鎮岐歲貢生父溶庠生治經有法從遊者衆有東漢獨行風國霖生而端穎讀書十行俱下少嚴庭訓年十六補博士弟子旋列優等食廩餼孫東岳益廷以山